



"I te cherdí con to ennom" dij le Signur.

Con le Sacramont dal Bato ven tuta sö tla comunité dla Dlijia **Rosina Ungersböck** (Longega/Wien). La ploania d'La Pli ti fej les miús aodanzas ai geniturs Walter y Martina: Idio, la Oma dal Ci y la Santa Patrona acompagneii Osta möta con söa benedisciun y proteziun.

- **Festa de iubileo de 50 agn da preo de Signor Iaco Ploner, en la segra d'La Pli:** en la veia é düc enviés da fá iluminaziuns tles ciases y sce ara vá ince füs. **Program dla domegna: ales 8:30** salüde dan calogna, prozesciun te dljia: Musiga, Cor, confaruns y bandires, prei y ministronc y dedò la comunité; gran messa da festa, dedò sona la Musiga por sté empü en compagna con le iubilar.
- **Festa dai Ministronc: en domegna ai 24 d'otober** vegnel tigní la festa por nüsc ministronc y nostes ministrantes. La gran messa gnará abelida dal cianté dal Cor dai minis da Bornech y sará porchel te Ciasa dles Uniuns (!)



Enformaziuns y terminis

Sorvisc ai Jogn: düc i geniturs é enviés a tó pert al referat "Sexuelle Entwicklung - wenn Töchter und Söhne erwachsen werden...", con Maria Reiterer y Hubert Fischer, dui pedagogs dla sessualité, en jöbia ai 14 de ottober ales 19:30 tres Zoom (link: <https://zoom.us/j/9895382891> - i referenc preia da empié la camera dertan le referat). Tal referat nen vara de co acompagné i mituns y les mitans dertan la fasa dla puberté, co i sostegní y ci respostes i dé a söes domandes. Le referat sará por todesch y ven motü a jí tal cader dal proiet "Sterisc tres la vita", dal Sorvisc ai Jogn, en colaoraziun con l'educadessa sozuala dles scores, la Nëus Jëuni Gherdëina y les Scores Altes de La Ila.

Patrones: l'Uniu dles Patrones da San Martin organiseia ai **11 y ai 12 d'otober** dales **19:30** ales **22:00** tal Istitut Ladin "Micurá de Rù" n curs da decoré cianderes por de vigne sort de ocajiuns con Pia Pedevilla. Entrada ma cun Green Pass y nia plü de 16 partezipanc. Por se prenoté preibel cherdé sö Paola, ☎ 339 8225275.

Dotur: le dotur **Edo Agreiter** lascia alessi che al é demez en jöbia ai 14 d'otober domisdé y le vendres ai 15 d'otober döt le de.

Ocio: en **dedemesaledema ai 13 d'otober**, gnará motü a jí do les 10:00 n alarm de proa dla proteziun zivila olache al ven lascé jí dotes les sirenes. I sun enviés da scuté les enformaziuns co gnará dades da chel momont ennant tal radio.

Döt le bun a:	Maria Rigo ved. Daverda	* 11.10.1935
	Metilde Frontull ved. Vollmann	* 12.10.1914
	Franz Taibon	* 14.10.1936
	Ida Elena Pedevilla	* 15.10.1936
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ



Ci peis ti dé ai bens de cösta tera

📖 Sap 7, 7–11 | Ebr 4, 12–13 | Mc 10, 17–30

Dal Vangelo do San Merch:

Te chel tomp ¹⁷ti n'él salté önn adancuntra a Gejú s'á enjlené jö y l'á damané: Bun maester, ci messi pa fá por davagné la vita eterna? ¹⁸Gejú ti á respognü: Ciodi mo dijeste pa bun? Degügn n'é bun ater co Dio, el su. ¹⁹Tö conescas pö i comandamoc: Te ne desses nia copé, te ne desses nia rumpí le matrimone, te ne desses nia arobé, te ne desses nia dé testimonianza falza, te ne desses nia fraudé, onoreia to pere y töa oma! ²⁰Al ti á respognü: Maester, düc chisc comandamoc ái osservé da jonn ensö. ²¹Danló ti á Gejú ciaré ados, y deach'al ti orea bun, ti ál dit: Öna na cossa te mancia ciamó: Va y venn ci che t'as, dá i scioldi ai püri y t'aras n tesur tal ci; spo ví y víme do! ²²Mo chel á ciaté la ria canch'al â aldí cösc y é jü con tristezza demez; deach'al â n gran avei. [...]

I ponsun do: *L'encuntada con Gejú met vigne porsona dan na dezijiun. Cösta encuntada met ince en discusiun i valurs co ea emportanc cina sen. Desco le jonn tal vangelo, ensciö damana ince aldedancö trepes porsones do le tru co porta ala vita eterna. Jí do a Gejú pó ma chel co reconesc tan dezisiva che l'encuntada con el é. Döt l'ater – ince les richezes de cösta tera – é secundar y temporal. Co é pa nosta reaziun sce l'invit da jí do a Gejú é ot a nos?*

I periun: *Bel Dio, to Fi s'á mostré le tru co condüj ala vita eterna. Deidesse meter dötta nosta speranza sön te y fá che te nüsc festidi por i bens de cösta tera ne se desmonciunse mai nosc der travert. Por Crist, nosc Signur.*

Vesco Wilhelm Egger "Sonntagsbibel"

📖 *Letöres dla 29. domegna ia por l'ann:*
Is 53, 2a.3a.10–11 | Ebr 4, 14–16 | Mc 10, 35–45



Edema liturgica dai 10.10. ai 17.10.2021

DOM 10.	28. domegna ia por l'ann FESTA DE RENGRAZIAMENT DAI FRÜC Y DLES GRAZIES	<i>Daniele Comboni, Victor</i>
08:30 →	gran messa por dōta la ploania s.m. por †† dal Tomele da Rara adoraziun eucaristica de rengraziament	♪ La Musiga <i>oferta por la ploania</i>
Lön 11. 18:00	<i>Giovanni XXIII°, Bruno</i> s.m. a Al Plan	
Ded 12. 07:30	<i>Maximilian, Gottfried, Serafin</i> s.m. de rengraziament dla vita por Metilde Frontull ved. Vollmann s.m. do entenziun de Paola Palfrader, Pre	
Dem 13.	<i>Eduard, Andreas L., Aurelia</i>	
Jöb 14. 19:30	<i>Calist I., Burkhard, Alan</i> s.m. de rengraziament dla fam. Angelo y Daniela Comploi, Curt s.m. por †† Isidoro y Margherita Mühlmann, Pidra s.m. por † Carlo Kehrer, Mone	
Ven 15. 07:30	<i>Tareja de Gejú (d'Avila), Aurelia</i> s.m. a Al Plan	
Sab 16. 07:30 11:30 18:00	 festa dla consacraziun dla dlijia <i>Margareta Maria Alacoque, Hedwig da Andechs, Gallus</i> s.m. en onú de Sant'Ojep Freinademez s.m. de rengraziament por vis y †† dla fam. Carlo y Antonia Tschaffert funziun dal Bato de Rosina Ungersböck y de Aurora Lo Re <i>s.m. prefestia a Al Plan</i>	
DOM 17. → 08:30 14:00	29. domegna ia por l'ann GRAN FESTA DLA CONSACRAZIUN DLA DLIJIA "La Segra" lubileo de 50 agn preo de signor Iaco Ploner salüde dal iubilar dan calogna, prozesciun te dlijia, gran messa ciantada de rengraziament y por dōta la ploania s.m. por †† Jep y Angela Rovara, Plans funziun dal Bato de Kevin Moling	<i>Ignaze d'Antiochia, Anselmo</i>
<i>ampola:</i>	por vis y †† dla fam. Carlo y Antonia Tschaffert, La Val	
<i>ministronc:</i>	<ul style="list-style-type: none"> • dedolönesc y sabeda: Sara y Jacklyn • jöbia y domegna: Manuel y Natalie 	
<i>i recordun:</i>	Heinrich Obojes, <i>Al Plan</i> Vigile Obojes, <i>Al Plan</i> Maria Paolina Brandlechner ved. Morlang	† 12.10.2014 † 13.10.2013 † 16.10.2016



I te ringraziun por töa bunté!

Liebe Familien!

Im Herbst, wenn die Früchte reifen und die Blätter fallen, wird Erntedank gefeiert.

Das Erntedankfest beinhaltet zwei wichtige Gedanken:

Wir danken Gott für das Geschenk des Lebens, für die Früchte der Erde und für all das, was wir zum Leben brauchen. Gleichzeitig denken wir darüber nach, wie wir die von Gott empfangenen Gaben und Begabungen mit anderen teilen. Wir können spüren, dass Gott sich im Kleinen, Alltäglichen zeigt und können dafür danken. Ein Korb voller Äpfel, Trauben, Kastanien – wer möchte nicht zugreifen?

Die Fülle, mit der die Natur ihre Gaben schenkt, bringt uns zum Staunen und Schwärmen.

Staunen lässt Freude und Dankbarkeit entstehen.

„Familien feiern Feste“

Periun! Oh Dio, döt é to tal ci y söla tera. Tö as ciaré de to popul y a düc i aste partí fora les scincundes de töa bunté. Láscesse goder töa proteziun ch'i podunse aprijé y laldé töa grandeza y töa bunté, y dasse ennant töa benediscun, por Gejú Crist, nosc Signur. Amen

Periun! Dio onipotent, fá ch'i n'odunse nia ma i bens material che te s'as scinché, mo ince i bens spiritual, y dásai ennant por nosta salveza. De cösc te periunse, por Gejú Crist, nosc Signur. Amen

“Laldun le Signur“



I mirachi de Gejú cuntés ai mituns (11)



Por Chel Bel Dio n'él nia de imposcibil

Chisc y ciamó trec d'atri mirachi ál fat Gejú. Sù mirachi é segns – segns de Chel Bel Dio co s'ò bun y co pó fá döt, ince canche la jont ne sa nia plü co jí ennant. Chisc mirachi é operes co fej empresciun deache ares se mostra la potenza y le gran amur de Chel Bel Dio.

Al sozed cosses ch'i ne sun nia bogn da s'enmaginé y da speré: verc veiga, paralisés é bogn da jí, ega se trasforma te vin y cin' pans y dui pesc basta por pascionté plü co cinnmile porsones.

Deache por Chel Bel Dio n'él nia de imposcibil.

Oraziun: Gejú, pa te sái ch'i pó mo sté saorí. Endlunch pói te chirí y te ciafé. Entres este tö dlungia me. Por töa vijinanza te diji bel iolan. Amen.